

Ze barri?

ESKORIATZA ETA LEINTZ GATZAGA / Egubakoitza / 2002ko apirilaren 12a / 75. zenbakia

KOORDINATZAILEA: Aintzane Gardoki • Durana 11 20550 ARETXABAETA • Tel.: 943 79 86 21 • Faxa: 943 77 18 54 • Posta elektronikoa: zebbarri@goiena.com

Arana kaleko etxeak bota ondoren, itxura guztiz berria du herriko erdialdeak

AINTZANE GARDOKI

Udaletxea zaharbertzeko lanak, noranzko aldaketak, etxebizitza berriak, eta abar. Aldaketa ugari gertatzen ari dira aspaldian herrian. Oraingoan, erdialdeari tokatu zaio txanda. Oporretatik bueltan, batek baino gehiagok ezustea hartu du Arana kalean.

Aspaldian herriaren itxura aldatzen ari dela esaten badugu, ez dugu ezer berririk esaten, horren lekuko dira eta herritarren eguneroko joan-etorriak. Udaletxea zaharbertzen hasi ziren duela hilabete batzuk, etxe ugari hasi dira egiten eta beste batzuk zaharbertzen, liburutegiko lanak ere hastear daude, herriko hainbat auzotan ere urbanizazio lanak egiten ari dira...

ERDIALDEAREN ITXURA ALDAKETA

Apirileko lehenengo astean, Arana kaleari tokatu zitzaion txanda; izan ere, kalea autoendako itxi eta Jose Arana eskola zaharretarainoko etxe-ilara guztia bota dute. Hantxe, 43 etxebizitza egingo dituzte: 11, ekimen pribatukoak, eta beste 32ak kooperatibak



Itxuraldaketa handia izan du Arana kaleak.

izango dira. Udaleko aparejadore Natalia Ruak zera adierazi zigun: "Eraikinak botata, astean barrena autoei bidea guztiz zabalduko zaie. Autobusendako, aldiz,

zabalik egon da Arana kalea." Etxe zaharrak botata, orain, lehenengo lana Bolibarko bidea desbideratzea izango da. "Erdialdeko kaleak noranzko bakarrarekin



AMAGOIA LASAGABASTER/AINTZANE GARDOKI

jarraitu beharko du luzaroan, urtebete, gutxienez; baina eraikin zaharrak botatzeko lanak amaituta, egoera normalizatu egingo da laster. Etxeak eraikitzen hasi

aurretik, Bolibarko bidea desbideratzeko lanak egin behar dira, eta gero hasiko dira etxebizitza berriak egiten", gaineratu zigun Natalia Rua aparejadoreak.

HERRITARREN HITZA / Ibon Segura

Gaurko umeak

Eguraldia lagun dugun udaberriko egun hauetan, arratsaldean herrian gora eta behera nabilen bakoitzean ume garaiak datozkit burura.

Ez dakit orain herrian gehiago nabilelako edo arreta gehiago jartzen diodalako den, baina bizitasun handia ikusten diot Eskoriatzako plaza eta inguruei, aspaldi ikusten ez nion bizitasuna.

Alde batetik, ume txikiak, gurasoak, aiton-amonak zein zaintzaileak inguruan berrikeratzen, eta noizean behin, hauek egiten dizkieten galdera xelebreei erantzuteko prest dituztela. Beste aldetik, nagu-

siagotxoak lagun artean, beraien arduraz inortxo egoteko beharrik ez dutela.

Baina fenomeno hau ez da herri erdian gertatzen soilik, ordea. Dorletako parkera, Aranburuzabalara edo Intxaurtxuetako "partxis"-era joanez gero ere gauza berbera baieztatu dezakegu.

Eta guzti horretatik gehien atsegin dudana gehienak JOLASEAN ikustea da.



"Bizitasun handia ikusten diot herriari"

Baloiak, panpinak, bizikletak eta abar nonahi ikusten dira. Harrapaketan, gorde-gordeka, lasterka edo besterik gabe lurrarekin jolasean dabilzan neska mutikoak ere asko dira. Lehengo batean, berak eginiko egurrezko arku eta geziez jolasten ikusi nuen mutiko bat aspaldi-

ko partez. Badirudi irudimena ez dutela kalterako soilik gordeta utzi. Jolasa bizi izan zuten eragina ote?

Ordenagailua erabiltzen ez dakiena garai bateko irakurtzen eta idazten ez zekienaren parekoa izango dela dirudien XXI. mende honetan, haurren jolasak izugarritzko garrantzia edukiko duela iruditzen zait, txikitik bizitakoak eragin nabarmena baitu heldutakoaren izaerarengan.

Gaur jolas egiten duen haur belaunaldia, bihar gizarte orekatuago baten zutabea izango da.

Jolas daitezela, beraz, umeak ume diren artean, egunaren amaieran etxera zikinik edo urraturik gabe doan umea ez da ume-umea eta.

LABUR

Abarrategi eta Iriarte txapelkunak

Debarroko pilota txapelketako finalak jokatu ziren joan den asteburuan. Gazteen mailan Abarrategi eta Iriarte eskoriatzarrak izan ziren txapelkunak. Finalean Elgetako Balerdi eta Azagirrerren kontra 22 eta 9 nagusitu ziren. Osoko partidu polita eskaini omen zuten.

Kadeteetan, berriz, Axpek eta Azkaratek partidu gogorra jokatu zuten, baina azkenean elgoibartarrak 22 eta 20 irabazi zieten finalean. Zorionak bi bikoteei!

TELEFONO JAKINGARRIAK

ESKORIATZA

Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

BESTELAKOAK

Eskualde Ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak	112

OHARRAK

THE PUB IBILTARIA KONTZERTUAN

Seigarren urtez Oskorri taldeak The Pub Ibiltaria esperientzia martxan jarri du. Oskorriko partaideekin batera edozein instrumentu jo eta kantatu egiten duen publikoa da ekitaldiko protagonista nagusia.

Datorren maiatzaren 3an, 22:30ean, Kiroldegian izango da Oskorri bere Pub Ibiltariarekin. Beraien esanetan, errepertorioa osatzen duten kantuak parranda batean edo afalondoan lagun artean kantatzeko modukoak dira. Beraz, ordurarte baduzue entsegutzeko denbora.

AXTROKIRENAGENDA

DINAMIZATZAILEA HASI DA LANEAN DAGOENEO

Monika Arriaran hasi da dinamizatzaile lanetan. Lau orduz ibiliko da lanean, eta momentuz, izango duen helburu nagusia kultura plangintza egitea izango da.

ERRETRATUZAHARRA

Bonba mehatxua kiroldegian

Eskoriatzako kiroldegian bonba batek eztanda egingo zuela esanez dei bat jaso zuen joan den egubakoitzean Ertzaintzak.

Arratsaldeko seiak inguru izango ziren Ertzaintza kiroldegira heldu zenean. Kiroldegian zeuden pertsona guztiak kanpora atera zituzten ertzainek. Ertzaintza heldu zirenean, kiroldegian saskibaloiko nesken talde bi ari ziren entrenatzen. Igerilekuan ere, hango langileek azaldu digutenez, dozena bat lagun zegoen. Denborarik galdu barik, bainujantzia bakarrik soinean, igerilekuan



zegoen jendea eta entrenatzen ari ziren guztiak kanpora atera zituen Ertzaintzak.

Era berean, bidea moztu, eta inguruetako garajeetako sarrera-irteerak ere ezin izan

ziren erabili ordu betez. Ertzaintzak kiroldegiko txoko guztiak miatu zituen. Kanpoan ume batek ahaztutako motxila batek sortu ei zituen kezka handienak. Motxila

hura aztertu, eta ez zuten ezer susmagarririk aurkitu. Ondorioz, bidea ireki, eta kiroldegira sartzen utzi zieten kanpoan ordu betez egon ziren kirolariei.

HURRETIK/ Olatz Pagaldai · Gaztekantoiko begiralea

“Nire esku balego, herriko gazteekin Urbasara joan eta zuhaitz baten gainean txabola bat egingo nuke”

Olatz Pagaldai eskoriatzarra izango da, oraingo estetik aurrera, Gaztekantoiko begiralea. 22 urte ditu eta lau urtez Antzerkia ikasi du. Orain, herriko 13 eta 16 urte bitarteko gaztetxoekin bat egin gura du Olatzek.

Asteburuetan, aurrerantzean, ba ei duzu zer egin.

Lanean hasteko irrikan nago. Bihartik aurrera, zapatuero eta domekero, bostetatik aurrera herriko gaztetxoekin pasatuko ditut arratsaldeak.

Zer izango da Gaztekantoi? Gazteendako egindako toki bat. Agintariak gazteak eurak izango diren toki bat. Datozen bi hilabeteetarako, programa bat landu dugu. Hasteko, lokala ezagutu, gazteon gustuen

arabera apaindu, eta daukagun materiala ezagutzeko aukera izango dute gazteek. Mahaijoko ugari ditugu, jolas asko ere prestatu ditugu, baina hainbat jarduera ere sortuz joango gara gazteek eurek eskatzen didatenaren arabera.

Zeintzuk dira Gaztekantoiaren helburuak?

Gustuko dituzten ekintzetatik abiatuta, gazteendako aisialdia eskaintzea. Baina gura nuke beste alor batzuk ere jorratzea: adibidez, gazteon arteko harremanak, imajinazioa lantzeko joko pila bat ditut... Edozelan ere, batez ere, herriko gazteak motibatu gura ditut.

Zelan motibatuko dituzu?

Haiengandik hurbil egonda, harreman zuzena izanda eta zer gura duten jakinda.



Askotan gazteek, haiendako ezer ez dagoela-eta, protesta- ra jotzen dute.

Bai, horrela da, denok egin dugu protesta, eta askotan paso eginez, hau “kaka bat da” esanda, ez dugu ezer egiten. Eta gazteek jakin behar dute euren kabuz ere has daitezkeela gauzak egiten. Dena ez dela grisa, udaberriak kolore asko ditu. Nik gustuko dituzten kolore horiek hartu, eta konbinatuta, gazteekin lanean hasi behar dut. Herria kolorez beteko dugu.

Aukera izanez gero, zer egingo zenuke herriko gazteekin gustura?

Urbasara joan eta zuhaitz baten gainean txabola bat egin, gura dugun guztietan hara joateko, eta gure gauzez aritzeko.

ESTETIKA ESPEZIALIZATUTAKO ZENTRUA



EDURNE

Aranburuzabala, 42
Tel.: 943 71 51 54
ESKORIATZA

TOKI ALAI TABERNA

Karajiloetan espezializatua

Tel.: 943 71 47 29
ESKORIATZA



bedardenda

Tfnoa.: 943 71 43 27
ESKORIATZA

ESKORIATZA

Tfno 714345



MENDIOLA

Bazkari eta afariak

**Astehenetan itxita
ESKORIATZA**

Saharako Emakumeen Kongresuan parte hartu dute herriko hiru emakumek

AINTZANE GARDOKI

Saharako 27 de Febrero errefuxiatuen kanpamentua izan zuten jomuga Amaia Olabek, Edurne Elkorobarrutiak eta Mariatxen Arantzabalek. Euskal Herriko 140 emakume joan ziren Saharako emakumeek bost urtean behin egiten duten kongresura.

Emakundek Euskal Herriko udalei eta emakume taldeei egin zien gonbidapena Saharako emakumeek egingo zuten kongresuan parte hartzeko.

Maletak prestatu, abioia hartu, eta Amaiak, Edurnek eta Mariatxenek 27 de Febrero kanpamenturako bidaia egin zuten. Arrasateko eta Debako beste emakume bikin batera lehenak izan ziren hara heltzen. "Gu eguaztean irten ginen; beste guztiak, berriz, eguenean. Gaueko ordu batean heldu ginen kanpamentura, eta han, heldu eta berehala, ongietorria egin ziguten. Tea edanez goizeko bostak jo arte izan ginen gu hartu gintuen familiarekin berriketan", azaldu digu Amaia Olabek.



Saharako 27 de Febrero kanpamenduan lau egunez egon ziren beste emakume batzuekin Amaia, Edurne eta Mariatxen.

SEIEHUN EMAKUME KONGRESUAN

Mundu osotik joandako emakumeek parte hartu zuten kongresuan. Kubako, AEBetako, Kolonbiako, Mexikoko, Brasilgo, Hego Afrikako, Libiako, Aljeriako eta beste herrialde askotako emakumeak batu ziren han; denera, 600 emakume. "Bost urtean behin

egiten dute Saharako emakumeek kongresua. Kongresuan aztertzen dute zein den egungo egoera eta zein helburu finkatu behar dituzten datozen urteetarako. Gu kongresuan izan gara, baina gure helburua izan da herriarekin bizi-

ztea, Saharako herria hurrerotik ezagutzea; izan ere, kongresua Saharako emakumeek euren antolatuak zerbitu da".

Hiru gatzagarrok esan digute oso esperientzia aberatsa izan dela, baina era berean, oso gogo-

rra. "Hunkigarria, oso hunkigarria izan da. Kongresua inauguratu zuteneko ekitaldia sekulakoa izan zen: denak abesten, negarrez, hango irrintzi bereziaren oihartzunak nonahi... Saharako herriaren borroka luzeari abesten zio-

ten umeek. Hunkigarria. Eta haiekin bizitzea? Zer esan? Laster ahaztu egingo dugu, baina ditugun gauzak baloratzeko ikastaldi ederra jaso dugu han; jarraituko dugu horretaz hizketan", esan digu Amaiak.

"Tea edanez bostak jo arte egon ginen gu hartu gintuen familiarekin berriketan"

"Gure helburua izan da herriarekin bizitzea, Saharako herria hurrerotik ezagutzea"

"Hunkigarria izan zen, Saharako herriaren borroka luzeari abesten zioten umeek"

LENIZ, C.B. KONPONKETAK



TXAPA, MARGOA
eta MEKANIKA

Aingeru Ibiltokia, z/g. • Tfnoa.: 943 71 50 61

SAJON DE BELLEZA
OSASUNA ETA EDERGINTZA
DORLETA
Aranburuzabala, 22 behea
ESKORIATZA
Tfnoa.: 943 71 51 20

Villar
Ileapaindegia

Olazar auzoa, 9
Tel.: 943 71 50 42
ESKORIATZA

FAGOR



**ELEKTRATRESNA
TXIKIKO
NEGOZIOA**

Aingeruarda ibilbidea, z/g
Tel.: 943 039 100 • 943 71 54 52 (SAT)

Aitzorrotz elektronika
Alboka gazte moda
Angelines autozerbitzua
Aretxabaleta iturgintza
Asensio jantzi denda
Begiondo optika
Errasti kioskoa
Errekabarren fruta denda
Etxabe harategia
Farma bizi parafarmazia
Gemes edertze aretoa
Gertu janari prestatuak
Haurrak umeen moda
Herrasti akeita etxea
Ibarra estankoa
Iber loteria
Imanol janari denda
Iriarte umeen denda
Irudi ileapaindegia
Jauregi okindegia
Jon harategia
Josu harategia
L-10 ileapaindegia
Larrad ileapaindegia
Lasai masajeak
Leibar arraindegia
Leintz drogeria
Leniz liburudenda
Mari Karmen oinetakoak
Maritxu mertzeria
Martin erlojudenda
Miren Zuriñe bitxitegia
Nerian loradenda
Txilarra dietetika
Xume oihal denda
Zainduz osasuna/fitnessa
Zare artegintza
Zubia oinetakoak



UDABERRIKO ZOZKETA!

150 EUROKO SARI BAT ETA 60KO ZORTZI SARI!

Aretxartek bedetatzi erosketa-txartel zozketatuko ditu gurean erosketak egiten dituztenen artean.
Zozketa ekainaren 4an egingo dugu! Hartu parte!




ERIKO JAKINAREN ITZA
GOBIERNO VASCO
DEPARTAMENTO DE INDUSTRIA,
COMERCIO Y TURISMO

Gemes

Durana 40 ARETXABAETA Tel.: 943 79 99 18

edertze aretoa

TERMOESTIMULAZIOA teknika berria



Gorputzeko
tratamendua:

- zelulitisaren aurkakoa
- loditasuna
- zirkulazio arazoak
- lasaigarria
- drenajea
- reafirmatzailea
- erditze ondokoa

Udaberrira begira zainketak

- ✓ Depilazio elektrikoa: patilak, bigotea, okotza
- ✓ Depilazioa argizari beroaz eta hotzaz.
- ✓ Dekolorazioa
- ✓ Behin betirako makilajea bekain eta espainetan
- ✓ Eguneko makilajea: ezkontzak, ezkongaiak...
- ✓ Azalaren garbiketa: adinaren eta zimurren aurkakoa, hidratazioa, aknea, shock (lifting-a)
- ✓ Ordezko azazkalak, natural-naturalak manikura eta aplikazioa
- ✓ Pedikura
- ✓ Dieta pertsonalizatuak
- ✓ Betileen tindaketa
- ✓ Solarium-a

ORLY

TABERNA BERRIA

LASTER
ZABALIK

HERRIKO PLAZAN



ZATOZ!